

PRESTAKUNTZA-ATALAREN IDENTIFIKAZIO-DATUAK

PRESTAKUNTZA-ATALA	DEKORAZIO-OSAGARRIAK EGITEA	Iraupena	40
		Baldintzatua	
Kodea	UF1040:		
Lanbide-arloa	EHUNGINTZA, JANTZIGINTZA ETA LARRUGINTZA		
Lanbide-eremua	Ehun- eta larru-jantzigintza		
Profesionaltasun-ziurtagiria	Errezelak eta dekorazio-osagarriak	Maila	1
Prestakuntza-modulua	Kuxinak, zorroak eta osagarriak egiteko teknikak	Iraupena	180
Modulua osatzen duten gainerako prestakuntza-atalak	Ehun-produktuak egiteko erremintak, makinak eta ekipoak prestatzea (zeharkakoa).	Iraupena	30
	Ehun-produktuen mozketa, mihiztadura eta akaberako oinarritzko teknikak (zeharkakoa)		60
	Kuxinak eta etxeko oihalak egitea.		50

A atala: **GAITASUN-ERREFERENTEA**

Prestakuntza-atal hau bat dator, partzialki, UC0179_1 KUXIN, ZORRO ETA OSAGARRIEN MOZKETA, PRESTAKETA, MIHIZTADURA ETA AKABERA EGITEA gaitasun-ataleko LB1, LB3, LB4, LB5 eta LB6 lanbide-burutzapenekin, dekorazio-osagarriak egiteko mozte-, mihiztate- eta akabera-eragiketen espezifikotasunei dagokienez.

B atala: **AHALMENEN ETA EDUKIEN ZEHAZTAPENA**

Ahalmenak eta ebaluazio-irizpideak

A1: Produkzio-agindu batean jasotako eskakizunetan edo bezeroaren eskaera-dokumentu batean oinarrituz, dekorazio-osagarriak egiteko prozesuaren eragiketa-segida ezartzea.

EI1.1 Dekorazio-osagarrien hainbat modeloren ezaugarriak erlazionatzea haiek jarriko diren eremu fisikoarekin eta erabilitako produkzio-orriekin.

EI1.2 Fabrikatu beharreko produktuak instalatzeko erabiliko den azalera edo tartea neurtzea, eta osotasunaren krokisa egitea, behar diren elementu guztiak jasoz.

BI1.3 Eskaera-dokumentuak betetzea, dekorazio-osagarriak egiteko behar diren ezaugarri guztiak jasoz, baita dagozkien produkzio-aginduak ere.

EI1.4 Artikulua edo artikulu-sorta egiteko behar den lehengai-kantitatea kalkulatzeko, ondorioztatuz zabalerak eta luzerak, josteko marjinak eta nasaitasunak.

EI1.5 Osagarria edo osagarri-sorta egiteko behar den denbora kalkulatzeko.

EI1.6 Lan-agindu baten edo bezeroaren eskaera-dokumentu baten kasu praktiko batean, ezaugarriak behar bezala zehaztuta dauzkala:

- Emandako informazio teknikoan oinarrituz, eragiketa-segida eraginkorrena identifikatzea.
- Prozesuan parte hartzen duten makinak identifikatzea, eta, hala badagokio, baita behar diren erreminta, lanabes eta osagarriak ere.
- Azken produktua instalatuko den espazio fisikoa neurtzea, erreminta egokiarekin, behar diren segurtasun-neurriak betez.
- Eskaera-dokumentu bat egitea, errezela edo estorea egiteko lagungarriak izango diren oharrak eginez.
- Dekorazio-osagarria egiteko behar diren lehengaiak (ehun-zatiak, forruak, apaingarriak) eta denbora kalkulatzeko, metodo eta teknika operatibo identifikatuak erabiliz.

A2: Dekorazio-osagarriak egitea, mozte-, jantzigintza- eta akabera-teknikak erabiliz, segurtasun-irizpideak aplikatuz.

EI2.1 Dekorazio-osagarriak egiteko erabiltzen diren hainbat material prestatu eta mozteko prozedurak deskribatzea, parte hartzen duten parametroak kontrolatuz, desbideratzeak saihesteko.

EI2.2 Patrioiak materialaren gainean marraztea, hainbat prozeduraren bidez, eta lotura-puntuak, oihal-bazterren akaberak eta apaingarriak eta osagarrien kokapenak adieraztea, osteko mihiztatze-lana errazteko.

EI2.3 Oihalak zabaltzea, dekorazio-osagarriak egiteko prozeduran egokiena den prozesua erabiliz eta patrioiak marrazteko kondizio onenak berrikusiz: tolesik gabe, lerrokatuta, beharrezko tentsioarekin, hariaren noranzko egokiarekin eta norabide egokiarekin.

EI2.4 Mozteko eragiketarako trebetasunez egitea, modu ordenatuan, txukuntasunez, zehaztasunez eta segurtasunez, dekorazio-osagarriak egiteko prozedura eta teknika egokiak aplikatuz.

EI2.5 Mihiztate-sistemak sailkatzea eta deskribatzea, lotura-motaren, baliabideen eta dekorazio-osagarriak egiteko erabiliko diren materialen arabera.

EI2.6 Dekorazio-osagarriak mihiztatzeko eragiketarako egitea, trebetasunez eta autonomiaz, lotura-mota bakoitzarentzat egokiak diren metodo eta teknikak aplikatuz: oihal-bazter, toles, itxitura, apaingarri eta abarren akabera egitea, eragiketa-segida zehaztuz eta estetika-eta segurtasun-irizpideei jarraikiz.

EI2.7 Tarteko eta amaierako akabera-eragiketak egitea, trebetasunez eta egin beharreko errezel edo estorearen arabera metodoa erabiliz, txukun, gustu onez eta segurtasunez, dekorazio-osagarriak egiteko erabili ohi diren prozedura eta tekniken bidez.

EI2.8 Detektatutako anomaliak gutxitzea lisaketaren bidez (erliebeak, dirdirak, soberako hariak, zimurrak, etab.), egindako dekorazio-osagarriarentzat nahi dugun azken formaren arabera.

EI2.9. Azken akabera egokiak egitea, dekorazio-osagarriei aurreikusitako aurkezpen eta kalitatea emateko.

EI2.10 Dekorazio-osagarri bat egiteko kasu praktiko batean, ezaugarriak behar bezala zehaztuta dauzkala:

- Emandako informazio teknikoaren arabera eragiketa-segida ezagutzea.
- Parte hartzen duten makinak identifikatzea, eta, hala badagokio, baita behar diren erreminta, lanabes eta osagarriak ere.
- Materialak kokatzea edo zabaltzea, mozketa-eragiketak egiteko.
- Moztu beharreko materialaren gainean zatiak markatzeko eragiketak egitea.
- Zatiak profilak deformatu gabe mozteko eragiketak egitea, mozketa-aginduaren argibideei jarraikiz, zulotxoak eta zuloak markatuz, babes-ekipo egokiak erabiliz.
- Mihizatze-eragiketak egitea, lotura-mota bakoitzarentzat egokiak diren metodo eta teknikak aplikatuz, lan-aginduaren argibideei jarraituz, segurtasun-neurriak betez eta babes-ekipo egokiak erabiliz.
- Tarteko eta amaierako lisatze-eragiketak egitea, segurtasun- eta estetika-irizpideei jarraikiz, mihizatze-lanak hobetuz eta erraztuz, babes-ekipo egokiak erabiliz.

Edukiak

1. Dekorazio-osagarriak egiteko prozedurak.

- o Dekoraziorako osagarri-motak. Hegalak. Aulki, sofa eta besaulkietarako zorroak.
- o Ezaugarri nagusiak:
 - Dekorazio-osagarriek ematen duten konfort-sentsazioa.
 - Hegalaren eta mahaiaren arteko erlazioa.
 - Eserleku, bizkaralde, beso-euskarri eta zorroen arteko erlazioa.
 - Formak eta estiloak.
- o Materialen aukeraketa.
- o Fabrikazio-prozesu eta -sistemak.
- o Dekorazio-osagarriak egiteko materialen kuantifikazioa.

2. Dekorazio-osagarriak egitea

- o Mozte-teknika eta -prozedura espezifikoak dekorazio-osagarrien fabrikazioan, hainbat material erabilia.
 - Zabaltze-eragiketak.
 - Materialaren gainean patroiak marraztea.
 - Mozte-eragiketak.
- o Dekorazio-osagarriak hainbat materialekin egiteko teknika espezifikoak:
 - Oihal-bazterrak puntada luzez jostea.
 - Zatiak jostura normalen bidez lotzea.
 - Zatiak jostura bikoitz edo frantsesaren bidez lotzea.
 - Brodatzea eta bigungarria jartzea.
 - Itxiturak, aletxak, lokarri-zuloak eta botoi-zuloak.
- o Dekorazio-osagarrien fabrikazioan lisatzeko eta akaberak egiteko teknikak eta prozedurak:
 - Tarteko akabera egiteko eragiketak. Zatiak konformatzea. Ertzak eta albainu txikiak lisatzea. Eskuzko lisaburdinarekin josturak zabaltzea.
 - Azken akabera egiteko eragiketak. Elementu osagarri eta apaingarriak txertatzea: botoiak, zintak, lokarriak, pasamaneriak, etab. Azken lisaketa.
 - Produktuen kalitatea egiaztatzea. Anomaliak zuzentzea.
- o Produktuak entregatzeko prestatzea.

C atala: **ESKAKIZUNAK ETA BALDINTZAK**

Sartzeko irizpiderik gabe.

Prestakuntza-atal hau egiteko gaindituak izan behar ditu UF1037: Ehun-produktuak egiteko erremintak, makinak eta ekipoak prestatzea eta UF1030: Ehun-produktuen mozketa, mihiztadura eta akaberako oinarrizko teknikak.

Prestatzaileen, instalazioen eta ekipamenduen arloko eskakizunei dagokienez, profesionaltasun-ziurtagiri honetarako ezarritako eskakizunak hartuko dira kontuan: Errezelak eta dekorazio-osagarriak